

莊靖集

閩錫山書齋



(三)

莊靖集

胡鑑山書

（印）

莊靖先生遺集卷之五

李俊民著

和籌堂送別韻

山城望斷首重回，猶勸春風馬上杯。
有似衛軒當日鶴，羽毛養就卻歸來。
白髮相逢得幾回，離亭苦勸送行杯。
元龍不識求田意，徒使青山笑往來。

和河上送行韻

沁南幕客盡詩豪，斧月斤雲得句高。
吏部文章笑東野，若爲自比倚松蒿。

有芝蘭元

肯伴蓬蒿之句

寄別

馬蹄踏破亂山青，送客風回酒半醒。
歸路莫將雲外指，大都一十五長亭。

蟻戰圖

聲勢何勞鬪似牛，看看一雨到山頭。
大家不肯勤王去，只待槐宮壞卽休。

膠膠擾擾戰爭多歲月循環得幾何樹下老人觀物化夢魂應不到南柯

畫鶴

兩翅如輪骨已仙昂昂只合在林泉且休相逐乘軒去自有人謀二頃田

二頃田應

爲鶴謀

海棠露

輕風嫋嫋泛崇光長恨司花不與香春睡一聲鸚鵡喚起卻教老眼見啼妝

張氏肯堂

張文定公後

百年蘭玉水邊村萬軸牙籤席上珍同隊魚中見頭角一朝富貴異於人

孟浩然圖

卻因明主放還山破帽騎驢骨相寒詩句眼前吟不盡北風吹雪滿長安
蹇驢卻指舊山歸可笑先生五字詩仕爲不求明主棄此行安得怨王維

上陶固嶺

忽忽出郭曉風寒一片雲收爽氣山上盡坡陀試回首人家住在翠微間

野菊

風露叢中取次芳愁邊過卻幾重陽秋光到處多無主不是閒花不肯香

席次

不到西山二十春風光別後一番新再三點檢尊前客白髮相看有幾人

驢爲人盜去

磨嫌居士謀生拙碑恨詩人下道看好在隔花臨水處爲誰信轡逐金鞍

長街愁殺鄭昌圖便是徒行魯大夫縱復東家借還許不知泥滑敢騎無

杜詩東家

塞驢許我借泥滑不敢騎朝天

淵明歸來圖

一旦倉惶馬後牛衣冠從此折腰羞先生不是歸來早東帶人前幾督郵

席上戲李巽之

薰風原上麥連雲
簫鼓家家樂
社神半醉尊前暄
語笑老夫愁獨淚沾巾

和史邦直橋上韻

規模杜預見成功
橫截長流跨彩虹
亭長莫邀來往客
須防中有奪牛公

韓伯休
奪牛公

過龍門

流水潺潺漱石根
又還懷古過龍門
行人但禮龕中像
誰識當年禹作痕

夜夢月下與數仙子酌酒仍各賦詩

天風一掃暮雲開
收拾羣仙共酒杯
但指今宵是新月
不知曾照古人來

七夕

雲漢雙星聚散頻
一年一度事還新
民間送巧渾閑事
不見長生殿裏人

姪謙甫任長安回

歸去連昌憶舊游
長安回望使人愁
只誇楊氏錦繡谷
曾上李家花萼樓
枝連葉附本同氣
骨親肉疎今幾家
但留濟叔易一卷
與送蔣兄麻兩車

母師聖醉歸夜溺伊河抱橋柱而死

日日貪杯醉不醒待將風味學劉伶可憐王子龔前水夜半寒光落酒星

和張文玘

來詩有匠手今逢老作家之句因用韻和

景物秋來件件佳江山都助與詩家我憐五鬼俱難送先爲文窮結柳車

白髮詩人喜誕誇詞源傾倒少陵家問君讀後書多少得滿當年惠子車

書生懂下布衣多盡是嘲風詠月家若使烏臺不彈後看看欲載十牛車

山谷文章

六經來汗漫十牛車

數間茆舍老生涯籬落相依四五家不見近來門外轍故人應駕角輪車

和籌堂送迎偶得

懷抱秋來強自寬相逢賴有舊青山郊原雨後堪圖畫句引詩人興不閑

出門天地望中寬馬首濃迎著色山詩句滿前無可道恨今不復見閑閑

畫手從來說范寬何如著眼看真山天公不欲山無主分付籌堂好處閑
詩愁誰道酒能寬得句多於飯顆山莫使移文誚長往工夫那取片時閑

和平太行路韻

六丁驅役鬼神奔一夜開山掌樣平多少往來車馬客尙憂行路澁難行
鑿開險阻若天成暫使時間眼界平卻羨長安西去路青山不管送人行
千年古道跨山城可笑人心自不平容易莫將天險壞須防閑客此閑行
自古太行天下險縱令禹鑿不能平尋常著脚無安處何況羊腸路上行
和君瑞月下聞砧

和籌堂述懷

夜涼枕上夢頻驚有底秋天不肯明老眼近來閑淚少那禁月下擣衣聲
長恨周人詠黍離不期親到閔周時一朝小雅廢將盡何處如今更有詩
白頭相見話存亡可惜漫漫夜轉長煩惱盡無安脚處出門十步九羊腸

訪德老

月下與君瑞邦直從籌堂攜酒訪德老既有詩見示因用韻和
夜投破戒遠公家醉墨成章點不加堪笑穎師無手段聽琴人似聽琵琶
一朝不飲奈愁何月下敲門載酒過佳句曉風楊柳岸醉時吟了醒時哦

老杜醉歸圖

花下騎驢不踏泥花間醉後復何之慙慙驥子扶歸去明日重來別有詩

按王內翰注宗武生日宗武小名驥子曾有詩驥子好男兒又曰驥子最

憐渠

保漢公廟

倉惶劉氏未能安跋扈將軍力跋山若使楚人如郤子肯教義士不生還

按左傳丑父令齊侯如華泉取飲齊頃公與晉戰爲晉所敗退而奔走丑
父爲御晉帥追之將及丑父請君潛服而去自著君之飾坐於車上而

待晉師晉師獲丑父知非頃公而欲殺之丑父嘆曰自今以後若有身
代君者皆當如我今受戮晉大夫卻獻子義之歎曰臣不難死而免其
君殺之不祥也宜赦其罪以成其節丑父遂免死而還齊臣逢丑父也
戲呈節使王子告

喚取佳人舞繡筵醉中往往愛逃禪我無紅袖堪娛夜翠被薰香獨自眠
戲北臺孫講師仲遠

何處閑田不可耕山頭烽火水邊營道人高臥雲千頃留取南臺與鶴鳴

香梅

詩已遺

悼蜀

詩已遺

元夜與泰禪洛陽觀燈

行歌聲裏落梅風爍爍華燈萬盞紅何似吾師方寸地一輪明月小參中

歷陽侯

范亞父

韓生去世冠軍廢獨望楚強心亦勞謾向鴻門撞玉斗豈知鹿死在金丹

酈食其

多少中原逐鹿人獨憑片舌下齊城淮陰不喜書生事能免他年獵犬烹

四皓奕棋圖

坐看咸陽王氣收豈無人傑自安劉都緣鴻鵠心猶在一局閑棋不到頭

鴻鵠高飛

舉千里羽翼已就橫絕四海

魏徵

立朝讜議盡良規誰使君王死後疑一旦鑾輿渡遼水卽時扶起墓前碑

王季文南邁怏怏不得意書此以緩之

大家都待倚欄干摘索幽花草棘間方便春風無不到忍教雪裏一枝寒

代別呼延路鈴

森森戈戟亂如麻剛把毛錐傍史家彈缺去年門下客白頭今日又天涯

襄陽守史嵩

梅花堂小酌與河南府馬帥共

往來不絕鄭崇門清濁那分北海尊
今夜梅花堂上月與人作箇好黃昏
過濟源

幾年不到竹梅間天際歸來兩鬢斑
一片白雲風掃盡雙明喜見舊青山
壬寅九日和君玉來韻

山城與客醉陶然日日相陪費萬錢
馬上行人幾時去一杯我欲助離筵
書生紙裏亦枵然欲去街頭恰百錢
寄語西風莫相笑一杯便是菊花筵

和段正卿韻 出入格

悠然相對酒杯閑忽有新詩落坐間
喚起東籬無限興黃花須待與君看
百計尋閑不得閑功夫那取片時間
誰知九日龍山客卻被秋光冷眼看

秋日有感

節氣先凋一葉桐人間何處不秋風
梁園勝事隨流水滿目愁雲鎖故宮

賈佐之以進士充軍被撻

便從寧越立威名可信王尼長作兵著甚不談軍旅事碧油幢下盡書生

孤村

舍南舍北地多荒三兩口口口口口士盡歸箕欲手未應醫得眼前瘡

解嘲

尊前共醉潑醅香下馬誰家白面郎見說千金能買笑老夫那得一錢囊

王德華默軒

春秋豈敢措一字賓主不須談兩都萬事盡皆皮裏著爲君終日鼓隳胡

對棋

到頭不可託安危那用搜尋局上機縱出吳宮陣圖外陰山未免嫁明妃

送苗世顯歸上黨

故人千里寄書來長恨天涯喚不回行路難行澁如棘歸裝莫待北風催

時河北
以秋

跋魯直帖

鷄毛不擇三錢筆，蠶尾揮成一幅書。莫使觀江神會得，因風奪去錦囊虛。

許道真醉吟圖

斷蓬蹤跡寄天涯，老去情鍾戀物華。回首錦江春寂寞，一杯愁裏賦梨花。

道真號錦

江漁隱

探官

版圖填寫百官志，楮券類排千字文。堪笑吾儒多伎倆，一時鬻爵僭吾君。

跋馮應之許司諫豉羊帖

還思寫論付官奴，想見臨池興有餘。莫把家鷄等閑厭，恐教人笑換羊書。

王庭秀悠然軒

小軒開後快雙明，峭拔南山立翠屏。好是晚來新雨過，白雲堆裏露尖青。

同申元帥遊司馬山

千年古廟映崇岡寂寂空庭草樹荒見說旱時求得雨一池由有老龍藏
留別

主人把酒再三留送客風高勢未休更聽愁眉歌一曲尊前腸斷小溫柔
寒食戲書

驀見花閒弄藥回同心髻綰綠雲堆多情更有牆東月送得秋千影過來
戲楊成之

客路風霜頗倦游出門又是一番愁行人立馬無情甚扶上征鞍不自由
李晉王墳

雄名凜凜振沙陀爲國功深奈老何多少三垂岡上恨伶人都進百年歌
游沁園

多少庭臺墮鈿灰勝游蹤跡幾殘碑風流人物今誰在水綠山青似舊時
申元帥四隱圖

嚴子陵

羊裘隱迹喚難回曾犯當年帝座來
京洛江湖各天性釣魚臺不羨雲臺

陶淵明

迎門兒女笑牽衣回首人間萬事非
自是田園有真樂督郵那解遣君歸

孟浩然

平生只有在山緣北闕歸來也自賢
破帽蹇驢風雪裏新詩句句總堪傳

李太白

謫在人間凡幾年詩中豪傑酒中仙
不因采石江頭月那得騎鯨去上天

大顛圖二

星斗文章世所傳狂瀾回在禹功前
先生不踏潮陽路震旦花開幾大顛
一夕投荒萬里行增光日月更誰能
相逢盡說空門話多少人間有髮僧

三害圖二

慷慨平西氣不衰，勇於三害欲除時。
流芳已入忠臣傳，何處人間更有詩。
挾矢操弓短後衣，揚揚意氣似男兒。
欲憑一怒除民害，可惜爲人自不知。

平水八詠

陶唐春色

府西南三里有陶唐廟，每至春月傾城出游祭享。

松柏森森護帝宮，至今和氣在河東。
詩人不盡當時事，八景圖中見國風。

廣勝晴嵐

府北七十里有寺曰廣勝，霍山之陽寺下有海曰大郎。

等閑過了萬千峰，偃蹇相看意不濃。
洗出青山真面目，祇疑海底有天龍。

平湖飛絮

府西五里有泊曰平湖，姑山之東汾水之西，四面皆楊柳如幘三月。

上已居民祓禊於此。